

# RELATION DERNIERE DECE QVI SEST PASSE AV VOYAGE

DV SIEVR DE POVTRINCOVRT en la Nouvelle-France depuis 20.mois ença.

Par MARC LESCARBOT Aduocae en Parlement.



A PARIS,
Chez IEAN MILLOT, devant
S. Barthelemy aux trois Couronnes.

M. DCXII.

AVEC PRIVILEGE DY ROY.

# A TANONTERE DECEMBER TANONTERE THE REPORTER DOVE

District and Server

specific to proper and services and



M. Prewin

EOS THE AUGUST LEVEL BOYS



#### RELATION

### DERNIERE

DE CE QVI S'EST

PASSE' AV VOYAGE DV sieur de Poutrincourt en la Nouuelle France depuis 20. mois ença.

#### PREFACE.



E proverbe ancien est bien veritable, que les Dieux nous vendent toutes choses par labeur. Ceci se reconoit par experience ordinaire en plusieurs choses, mais particulie-

rement au fait duquel nous avons à parler: auquel donne sujet par ses incomparables vertus le sieur de Poutrincourt, de qui les labeurs plus que Herculeans ont dés ya long temps merité vne bien ample fortune, & y eust donné attainte au temps de nos troubles derniers, s'il n'eust esté trop entier à maintenir le party qu'il auoit embrassé. Car le Roy le tenant en personne assi egé dans le chateau de Beaumont

lui voulut donner le Comté dudit lieu pour le rendre à son service. Ce qu'ayant refusé, il le fit toutefois peu apres gratuitement voyant sa Majesté reduit à l'Eglise Catholique Romaine. Vray est que nostre feu Roy HENRI le Grand l'auoit obligé en une chose, c'est d'avoir rendu par sa bouche ce temoignage de lui, qu'il estoit vn des plus hommes de bien, & des plus valeureux de son royaume. Suiuant quey aussi apres noz guerres passées, lui qui naturellement est porté aux entreprises difficiles, fuiant la vie oisive, auroit recherché l'occasion de faire plus que devant paroitre son courage, honorer son Prince, & illustrer sa pa-Ce qu'il auroit sait par la rencontre du triė. sieur de Monts, lequel en l'an 1603. entreprenoit le voyage de la France Nouvelle & Occidentale d'outre mer, auec lequel il se ioignit pour y reconoistre une terre propre à habiter & y rendre service a Dieu & au Roy. A quoy il a depuis travaillé continuellement & cust desia beaucoup avancé l'œuvre, si sa facilité ne se fust trop fiée à des hommes trompeurs, qui lui ont fait perdre son temps & son argent. Voire encore estant Gentilhomme indomtable à la fatigue, & sans crainte aux hazars, il se pourroit promettre vn assez prompt avancement à son entreprise s'il n'estoit troublé par l'avarice de ceux qui lui enlevent la graisse de sa terre sans y faire habitation, & avides des Castors de ce pais là y vont exprés pour ce sujet, & ont fait à l'envi l'un de l'autre que chacune peau de Castor (qui est le traffic le plus

present de ces terres ) vaut icy auiourd'hui dix liures, qui se pourroit bailler pour la moitié, si le commerce d'icelles estoit permis à vn seul. Et au moyen de ce pourroit prendre fondement la Religion Chrestienne pardela; comme certes elle y auroit esté fort avancée, si telle Et la consideration de chose enst esté faite. la Religion & de l'establissement d'un païs dont la France peut tirer du profit & de la gloire, merite bien que ceux qui l'habitent iouissent pleinement & entierement des fruits qui en proviennent, puis que nul ne contribuë à ce dessein pour le soulagement des entrepreneurs, lesquels au peril de leurs vies & de leurs moyens ont découvert pardela tant les orées maritimes, que le profond des terres, où iamais aucun Chrétien n'avoit esté. Il ya vne autre consideration que ie ne veux mettre par écrit, & laquelle seule doit faire accorder ce que dessus à ceux qui se presentent & offrent pour habiter & defendre la province, voire pour donner du secours à toute la France de deça. C'a esté vne plainte faite de tout temps, que les considerations particulieres ont ruiné les affaires du general. Ainsi est-il à craindre qu'il n'en avienne en l'affaire des Terres-neuves, si nous la negligeons, & si l'on ne soustient ceux qui d'une resolution immuable s'exposent pour le bien, l'honneur, & la gloire de la France, & pour l'exaltation du nom de Dieu, & de son

Eglise.

#### Voyage en la Terre-neuve.

L'Ay rapporté en mon histoire de la Nou-velle France ce qui est des deux premiers voyages faits outre mer par le sieur de Poutrincourt. Ici i'ay à écrirece qui s'est ensuiui és voyages subsequens. Depuis quelques années vne succession lui est echeuë a cause de Dame Ichanne de Salazar sa mere, qui est la Baronnie de Sainct Iust en Champagne. Les rivieres de Seine & d'Aulbe rendent le lieu de cette Baronnie autant agreable, que fort & avantageux à la defense. Là au commencement de Février mil six cens dix il sit partie de son equippage, y ayant chargé vn bateau de menbles, viures, & munitions de guerre, voire tellement chargé qu'il n'y restoit que deux doigts de bord hors de l'eau. Cependant la riviere estoit ensiée & ne se pouvoit plus tenir en son lict à caute des longues pluies hivernales. Les flots le menaçoient souuent, les perils y estoient presens, mesmement és passages de Nogent, Corbeil, Sainct Clou, Ecorche-veau, & autres où des bateaux perirent à sa veuë, sans qu'il fust aucunement emeu d'apprehension. En fin il parvint à Dieppe, & apres quelque sejour il se mit en mer le 26, dudit mois de Février. Plusieurs en cette ville là benissoient son voyage, & prioient Dieu pour la prosperité d'icelui. La saison estoit rude, & les vents le plus souvent contraires. Mais on peut bien appeller vn

voyage heureux, quand en fin on arrive à bon port. Ils ne furent gueres loin qu'ils rencontrerent vers le Casquet vn nauire de Forbans, a lesquels voyans ledit Sieur & ses gens bien a Forbaus resolus de se defendre si on les attaquoit, passe-ce rent outre. Le 6. de Mars ils rencontrerent vnze navires Flamens, & se saluerent l'vn l'autre de chacun vn coup de canon. Depuis le 8. iusques au 15. ily eut tempéte, durant laquelle vne fois ledit Sieur estant couché à la poupe, fut porté de son list pardessus la table au list de son fils. Ce mauvais temps les fit chercher leur route plus au Su, b & virent deux iles des b'su, e est Essores, Corbes, & Flore, là où ils eurent le ra- Midi. fraichissement de quelques Marsoins qu'ils prindrent. Et comme l'on dit que de la guerre vient la paix, Ainsi apres ces tourmentes ils eurent des calmes iusques au iour de Pasques Fleuries plus facheux que les tourmentes : car quoy qu'on soit en repos, il n'y a pourtant sujet de contentement: car les vivres se mangent, & la faison de bien faire se passe : bref vn grand calme est fort mauvais sur la mer. Mais cela n'est point perpetuel: & quelquefois (selon l'inconstance d'Eole ) apres le calme suit vn vent favorable, tantost vne tempéte, comme il survint vn peu apres (sçauoir le lendemain de Pasques) laquelle sit faire eau à la soute, qui est le magazin du pain, ou biscuit. Occasion que le Charpentier du navire voulant aller remedier au mal avenu, d'autant qu'en faisant ce qui est de son art il troubloit les prieres publiques qui fe faisoient du matin, ledit Sieur lui comman-

Peril d'un charpentier.

da de besongner par le dehors, là où estant allé il trouva le Gouvernail rompu (chose dangereuse) lequel voulant aller racoutrer, comme il estoit à sa besongne, a il tomba de son echaffaut dedans la mer. Et bien vint que le temps l'estoit ammoderé: car autrement c'estoit vn homme perdu. Mais il fut garenti par la diligence des matelots, qui lui tendirent vne corde, par laquelle il se sauva.

la Nouv. France liv. 4. chap.12.

Le 11.de May la sonde fut iettée, & se trouva fond à 80. b brasses: indice que l'on estoit sur le Banc des Moruës. Là ils s'arrêterent pour auoir le rafraichissement de la pecherie soit des poissons, soit des oiseaux qui sont abondamment sur ledit Banc, ainsi que i'ay amplement décrit en madite Histoire de la Nouvelle France. Le Banc passé, apres auoir soutenu plusieurs vents contraires, en fin ils terrirent vers Pempc Au mé- tegoet e (qui est l'endroit que noz Geographes marquent soubsle nom de Norombega) & fit dire la Messe ledit Sieur en vne Isle qu'il nomma de l'Ascension, pour y estre arrivé ce iour là. De ce lieu ils vindrent à Sainte Croix premiere habitation de noz François en cette côte,là où ledit Sieur fit faire des prieres pour les trespassez qui y estoient enterrez dés le premier voyage du sieur de Monts en l'an 1603. & furent au haut de la riviere dudit lieu de Sainte Croix, où ils trouverent telle quantité de Harens à chaque marée, qu'il y en avoit pour nourrir toute vne grosse ville. En autres saisons il y vient d'autres poissons. Mais lors c'estoit le tour aux Harens. La mesme il y a des arbres d'i-

ch. 7.

nestimable beauté en hauteur & grosseur. Sur cette même côte, devant qu'arriver au Port Royal a ils virent les ceremonies funebres a Ceremod'un corps mort decedé en la terre des Ete-nies de fuchemins. Le defunct estoit couché sur vnais nerailles. appuyé de quatre fourches, & fut couvert de peaux. Le lendemain arrive là grande assemblée d'hommes, lesquels danserent à leur mo-

de alentour du decedé. Vn des anciens tenoit vnlong baton, où il y avoit pendues trois tétes de leurs ennemis; D'autres avoient d'autres marques de leurs victoires: & en cet etat chanterent & danserent deux ou trois heures, disans les louanges du mort au lieu du Libera que di-

quelque chose, comme de peaux, chaudieres, pois, haches, couteaux, fleches, b Matachiaz & b Mataautres hardes Toutes lesquelles ceremonies chiaz, ce achevées, on le porta en sepulture en vne ile à sont l'écart loin de la terre ferme. Et au partir de la echarpes,

tation.

sent les Chrétiens. Apres chacun lui fit don de

tiraledit Sieur au Port Royal lieu de son habi- & braffe-

#### RELIGION.

E seur de Poutrincourt n'eut à-peine pris haleine apres tant de travaux, qu'il envoya chercher Membertou premier & plus ancien Capitaine de cette contrée, pour lui rafrechir la memoire de quelques enseignemens de la Religion Chrétienne que nous lui avions au-

trefois donné, & l'instruire plus amplement és choses qui concernent le salut de l'ame, afin que cetui-ci reduit, plusieurs autres à son exemple fissent le meme. Comme de fait il arriva. Carapres avoir esté catechizé, & les siens avec lui, par quelque temps, il fut baptizé, & vingt autres de sa troupe, le iour sain & Iehan Baptiste 1610. les noms desquels i'ay enrollé en Liv. 5. mon Histoire de la Nouvelle France a selon ch. 5. pa. qu'ils sont écrits au registre des baprémes de l'Eglise metropolitaine de dela, qui est au Port Royal. Le Pasteur qui fit ce chef d'œuvre fut Messire Iesse Fleuche natif de Lantage, diocese de Langres, homme de bonnes lettres, lequel b Mission. avoit pris sa mission b de Monsieur le Nonce du Sainct Pere Euesque de Rome, qui estoit pour lors, & est encore à Paris. Non qu'un Euéque François ne l'eust peu faire : mais ayant fait ce choix, ie croy que ladite mission est aussi bonne delui (qui est Evéque) que d'vn autre, encore qu'il soit étranger. Toutefois i'en laisse la cosideration à ceux qui y ont plus d'interest que moy, estant chose qui se peut disputer d'une part & d'autre, parce qu'il n'est pas ici en son diocese. Ledit Seigneur Nonce, dit Robert Vbaldin, lui bailla permission d'ouir pardela les confessions de toutes personnes, & les absoudre de tous pechés & crimes non reservés expressement au siege Apostolique: & leur enioindre des penitences selon la qualité du peché. En outre lui donna pouvoir de consacrer & benir des chasubles, & autres vétemens sacerdotaux, & des paremens d'autels, excepté

des Corporaliers, Calices, & Paténes. C'est ainsi que ie l'ay leu sur les lettres de ce octroyées audit Fleuche premier Patriarche de ces terres là. le di patriarche, par ce que communement on l'appelloit ainsi: & ce mot l'a deu semondre à mener vne vie pleine d'integrité & d'innocence, comme ie croy qu'il a fait. Or ces baptizailles ne furent sans solennités. Car Membertou (&consequemment a les autres) avant qu'estre a Confesintroduits en l'Eglise de Dieu, sit vne reconois-fion sance de toute sa vie passée, confessa ses pechés, Member-& renonça au diable, auquel il avoit servi. Là tou. dessus chacun chanta le Te Deum de bon courage, & furent les canons tirés avec grand plaisir, à-cause des Echoz qui durent audit Port Royal, prés d'un quart d'heure. C'est vne grande grace que Dieu a fait à cet homme d'avoir receu le don de la Foy, & de la lumiere Evangelique, en l'âge où il est parvenu, qui est à mon avis de cent dix ans ou plus. Il fut nommé HENRI du nom de nostre feu Roy HENRI le Grand, D'autres furent nommez des noms du sainct Pere le Pape de Rome, de la Royne, & Messeigneurs & Dames ses enfans, de Monsieur le Nonce, & autres signalez personnages de deça, lesquels on print pour parrins, comme iel'ay écrit en madite Histoire. 6 Mais ie ne voy b Pa. 638. point que ces parrins se soient souvenus de leurs filieuls, ni qu'ils leur ayent envoyé aucune chose pour les sustenter, ayder, & encourager à demeurer fermes en la Religion qu'ils ont receuë: Car pour du pain on leur fera croire ce que l'on voudra, & peu à peu leur terre

estant cultivée les nourrira. Mais il les saut ayder du commencement. Ce qu'a fait le sieur de Poutrincourt tant qu'il a peu, voire outrepassant son pouvoir il en a ieusné par apres, comme nous dirons ailleurs.

#### Retour en France.

Roissemaines apres l'arrivée dudit Sieus en saterre du Port Royal il avisa de renvoyer en France le Baron de sainct lust son fils ainé, ieune Gentilhomme fort experimenté à la marine, & lequel à cette occasion Monsieur l'Admiral a honoré du tiltre de Vice-Admiral en la mer du Ponant és côtes de dela. Car ayant à nourrir beaucoup d'hommes au moins l'espace d'un an & plus, attendant vne cueillette de blez, il estoit besoin d'une nouvelle charge de vivres & marchandises propres au commun vlage tant de lui & des siens, que des Sauvages. Il le fit donc partir le 8. Iuillet, lui enioignant d'estre de retour dans quatre mois, & le conduisit dans vne Pinasse, ou grande chalouppe environ cent lieues loin. En cette saison on a beau rire le long de la côte. Car il y a des iles en grand nombre vers le Cap Fourchu, & le Cap de Sable si pleines d'oiseaux, qu'il ne faut qu'allommer & charger, & avec ce le poisson y foisonne en telle sorte, qu'il ne faut que ietter la ligne en mer & la retirer. La contrarieté du vent les ayant plusieurs fois

13

contraint de mouiller l'ancre parmi ces iles, leur fit faire epreuve de ce que ie di. Ainsi ledit de sainct Iust s'en alla rengeant la terre l'espace de deux cens lieuës, iusques à ce qu'il eut passé l'ile de Sable, ile dangereuse pour estre basse & sans port asseuré, sife a vingt lieuës de la terre ferme vis à vis la terre de Bacaillos. Le 28. de Juillet il estoit sur le Banc a aux Mo- a Voy l'Hirues, là où il se rafraichit de vivres, & rencon-foire de la tra plusieurs navires de noz havres de France, France & vn Anglois, d'où il eut la premiere nouvelle liv. de la mort de nôtre grand Roy HENRI. Ce chap.12. qui le troubla & sa compagnie, tant pour l'accident si funeste de cette mort, que de crainte qu'il n'y eust du trouble pardeça. Le Dimanche premier iour d'Aoust ils quitterent ledit Banc, le 20, eurent la veue de la terre de France. & le 21. entrerent dans le port de Dieppe.

#### Auancement de la Religion.

Omme le sieur de Poutrincourt suivoit la côte condusant son fils sur le retour, il trouva quelques Sauvages de conossance en vne ile, où ils s'estoient cabannez, faisans pécherie: lesquels ayant abordé, ils en furent tout ioyeux: Et apres quelques propos tenus de Membertou, & des autres, & de ce qui s'estoit passé en leurs baptizailles, b il leur demanda b Acte de s'ils vouloient point estre comme luy, & croite pieté. en Dieu pour estre aussi baptizés; A quoy ils

s'accorderent apres avoir esté instruits. Et là dessus il les envoya au Port Royal pour estre plus à loisir confirmés en la Foy & doctrine Evangelique: là où estans ils furent baptizés. Cependant ledit Sieur poursuivoit sa route allant toujours avant le long de la côte, tant qu'il vint au Cap de la Héve, environ lequel endroit il laissa aller à la garde de Dieu ledit sieur de sainct Iust son fils, & virant le cap en arriere cingla vers la riviere dudit lieu de la Heve, qui est vn port large de plus de deux lieuës & long de six, euidant y trouver vn Capitaine dés long temps appellé Martin par noz François. Mais il s'en estoit retiré, à-cause de quelque mortalité là survenue par des maladies dysenteriaques. Depuis, ledit Martin ayant entendu que ledit Sieur lui avoit fait tant d'honneur que de l'aller chercher, il le suivit à la pisteavec trente-cinq ou 40.hommes, & le vint trouver vers le Cap de Sable pour le remercier d'une telle visite. Ledit Sieur homme accort & benin le receut humainement, encores qu'auparavant en l'an 1607. il y eust eu quelque colere contre lui, sur ce que passant icelui Sieur par ledit lieu de la Héve foible de gens, & se voyant environné de trois chaloupes de Sau vages pleines de peuple, il les fit ranger toutes d'un côté. Sur quoy ledit Martin ayant dit qu'il avoit donc peur d'eux,il fut en danger de voir par effet que sa conclusion estoit fausse. A cette derniere rencontre ledit Martin fut caressé & invité à se faire Chrérien,

2 Atte de comme Membertou, & a plusieurs autres: &c

s'en aller au Port Royal pour y recevoir plus ample instruction. Ce qu'il promit faire avec sa troupe. Et d'autant que les Sauvages ne vont iamais voir leurs amis les mains vuides, il alla à la chasse, afin de porter de la venaison audit lieu: & cependant ledit Sieur s'avance & va devant pour les y attendre. Mais étant environ le Cap Fourchu, a le voila porté d'un vent de a Peril. terre droit à la mer, & ce fi avant, qu'il fut six iours sans aucune provision de vivres ( que de quelques oiseaux pris és iles, qu'il avoit de reste) & sans autre eau douce que celle qui se recuilloit quelquefois dans les voiles: Brefsans rien voir que ciel & eau; & s'il n'eust eu vne petite boussolle il estoit en danger d'estre porté à la côte de la Floride par la violence des vents, des tempétes, & des vagues. En fin par son industrie & iugement il vint terrir vers l'île sainte Croix, là où Oagimont Capitaine dudit lieu lui apporta des galettes de biscuit qu'il avoit troquées avec noz François. Et delà estant en lieu de conoissance il traversa la baye Françoise large en cet endroit de vingt lieues, & vint au Port Royal cinq semaines apres sa departie où il trouva des gens bien etonnés pour sa longue absence, & qui desia pourpensoient vn changement qui ne pouvoit estre que funeste. C'est ainsi qu'au peril de sa vie, avec des fatigues & souffrances incroyables il va chercher des brebis egarées pour les amener à la bergerie de Iesus-Christ, & accroitre le Royaume celeste. Que si la conversion de ces peuples ne se fait par milliers, il faut penser

que nul Prince ou Seigneur n'a iusques ici af sistéledit sieur de Poutrincourt, auquel même les avares vont ravir ce qui est de sa province, & sa bonté souffre cela, pour ne faire rien qui puisse aigrir les grands de deça, encores que le Roy luy ayant donné la terre il puisse iustement empecher qu'on ne lui enleve les fruits d'icelle, & qu'on n'entre dans ses ports, & qu'on ne lui coupe ses bois. Quand il aura de plus amples moyens il pourra envoyer des hommes aux terres plus peuplées, où il faut aller fort, & faire vne grande moisson pour l'amplification de l'Eglise. Mais il faut premierement batir la Republique, sans laquelle l'Eglise ne peut estre. Et pour ce le premier secours doit estre à cette Republique, & non à ce qui a le pretexte de pieté. Car cette Republique estant établie, ce sera à elle à pourvoir à ce qui regardele spirituel. Retournons au Port Royal. Là ledit Sieur arrivé trouva Martin & ses gens baptizés, & tous portés d'un grand zele à la Religion Chrétienne, oyans fort devotement le service divin, lequel estoit ordinairement chanté en Musique de la composition dudit Sieur.

Ce zele s'est reconu non seulement aux neophytes Chrétiens, comme nous particulariserons cy-apres; mais aussi en ceux qui n'estoient point encore initiés aux sacrez mysteres de nôtre Religion. Car lors que le dit Martin sut baptizé, il y en eut vn tout décharné, n'ayant plus que les os, lequel n'ayant esté en la compagnie des autres, se porta, à toute peine, en trois cabannes cherchant ledit Fleuches Patriarche

pour estre instruit & baptizé.

Vn autre demeurant en la baye sain che Marie à plus de douze lieuës du Port Royal, se trouvant malade, envoya en diligence saire sçavoir audit Patriarche qu'il estoit detenu de maladie, & craignant de mourir, qu'il desiroit estre baprizé. Ledit Patriarche y alla, & avec vn truchement sit envers lui ce qui estoit de l'office d'un bon Pasteur.

Quant aux Chrétiens, vn desdits Sauvages neophytes ci-devant nommé Acoüanis, & maintenant Loth, se trouvant malade, enuoya son fils en diligence de plus de vingt lieues loin se recommander aux prieres de l'Eglise. & dire que s'il mouroit il vouloit estre enterré au ci-

metiere des Chrétiens.

Vn iour le sieur de Poutrincourt estant allé à la dépouille d'un Cerf tué par Louis sils ainé de Henti Membertou, comme au retour chacun s'estoit embarqué en sa chaloupe & voguoit sur le large espace de la riviere du Port Royal, avint que la femme dudit Louis accoucha, & voyans que l'enfant estoit de petite vie, ils crierent hautement à noz gens Tagaria, Tagaria, c'est à dire Venez ça, Venez ça, si bien que l'enfant su sur l'heure baptizé par le Pasteur sussities.

Cette année il a couru par dela plusieurs maladies de dysenteries, qui ont esté mortelles à ceux qui en estoient attaints. Est avenu que ledit Martin huit iours apres son baptéme a esté frappé de ce mal, dont il est mort. Mais

c'est chose digne de memoire que cet homme mourant avoit touiours le sacré nom de IESVS en la bouche. Et requit en ces extremités d'estre enterré apres sa mort avec les Chrétiens. Sur quoy il y eut de la difficulté. Car les Sauvages ayans encore de la reverence aux fepultures de leurs peres & amis, le vouloiene porter au Cap deSable à 40, lieues dudit Port. Ledit Sieur d'autre part le vouloit faire enterrer selon qu'il l'avoit demandé. Là dessus vn debat se prepare. Car lesditz Sauvages prenans en main leurs arcs & fleches, vouloient emporter le corps. Mais ledit Sieur fit armer vne douzaine d'arquebuziers, qui l'enleverent sans resistance, apres leur avoir remonstré quelle avoit esté l'intention du decedé, & qu'estant Chrétien il falloit qu'il fust enterré avec ses semblables, comme en fin il fut, avec les prieres accoutumées en l'Eglisc. Cela fait onleur baillad tous du pain, & l'en allerent contens.

Mais puis que nous sommes sur le propos des maladies & mortuaires, ie ne veux passer souz silence chose que ie ne sçauoy pas, & laquelle pour ne l'avoir veu pratiquer, ie n'ay point écrite en mon Histoire de la Nouvelle France. C'est que noz Sauvages voyans vne personne languissante de vieillesse ou de maladie par vne certaine compassion ilz lui avancent ses iours, lui remonstrent qu'il faut qu'il meure pour acquerir vn repos, que c'est chose miserable de touiours languir, qu'il ne leur sere plus que de fardeau, & autres choses semblables, par les que elles ils sont resoudre le patient à

19

la more. Et lors ilz lui ôtent tous les vivres, luy baillent sa belle robbe de Castors, ou d'autre pelleterie, & le mettent comme vn homme qui est à demi couché sur son liet, lui chantans des louanges de sa vie passee, & de sa constance à la mort: A quoy il faccorde, & repond comme le Cygne fait sa derniere chanson: Cela fait, chacun le laisse, & l'estime heureux de mourir plustot que de languir. Car ce peuple estant vagabond, &ne pouvant touiours vivre en vne place, ils ne peuvent trainer apres eux leurs peres, ou amis, vieillars, ou malades. C'est pourquoy ilz les traitent ainsi. Si ce sont malades,ilz leur font premierement des incisions au ventre, desquelles les Pilotois, ou devins succent le sang. Et en quelque façon que ce soir, s'ilz voyent qu'un homme ne se puisse plus trainer, ilz le mettent en l'estat que dessus, & lui iettent contre le nombril tant d'eau froide; que la Nature se debilite peu à peu, & meurent ainsi fort resolument & constamment.

Ainsi en avoit-on fait à Henri Membertou, qui se trouvoit indisposé. Mais il manda au sieur de Poutrincourt qu'il le vinst voir ce iour là, autrement qu'il estoit mort. Au mandement ledit Sieur va trouver Membertou au fond du Port Royal à quatre lieuës loin de son fort, auquel ledit Membertou conte son affaire, disant qu'il n'avoit point encore envie de mourir. Ledit Sieur le console, & le fait enlever de la pour lemener avec lui. Ce qu'ayant fait, & arrivé audit Fort, il lui sait preparer vn bon seu, le couche aupres sur vn bon lict, le fait frotter, dor-

lotter, & bien penser, lui sait prendre medecine, d'où s'ensuivit qu'au bout de trois iours voila Membertou debout, prest à vivre enco-

re cinquante ans.

On ne peut arracher tout d'un coup les coutumes & facons de faire invererées d'un peuple quel que ce soit Les Apôtres ni plusieurs siecles apres eux ne l'ont pas fait, témoins les ceremonies des chandeles de la Chandeleur, les Processions des Rogations, les Feuz de ioye de la sainct Ichan Baptiste, l'Eau benite, & plusieurs autres traditions que nous avons en l'Eglise, lesquelles ont esté introduites à bonne fin, pour tourner en bon vsage ce que lon faisoit par abus. Ainsi iaçoit que la famille de Membertou soit Chrétienne, toutefois elle n'avoit esté encore enseignée qu'il n'est pas loisible aux hommes d'abbreger les iours aux vieillars, ou malades, quoy qu'ilz pensent bien faire, mais faut attendre la volonté de Dieu, & laisser faire son office à la Nature. Et de verité vn Pasteur est excusable qui manque à faire chose dont il n'a connoissance.

Vne chose de même merite avint en la maladie de Martin. Car on lui ietta de l'eau semblablement, pour ne le voir languir: & estant malade comme ledit Patriarche, & vn nommé de Montsort lui euslent pris à la chasse & fait manger quelques tourtres, lesquelles il trouva bonnes, il demandoit lors qu'on luy parloit de Paradis, si l'on y en mangeoit: A quoy on lui répondit qu'il y auoit chose meilleure, & qu'il y seroit content. Voila la simplicité d'un peuple plus capable de posseder le royaume des cieux que ceux qui sçavent beaucoup, & font des œuvres mauvaises. Car ce qu'on leur propose, ilzle croyent & gardent soigneusement, voire reprochent aux nostres leurs fautes, quand ilz ne prient point Dieu avant & apres le repas : ce qu'a fait plusieurs fois ledit Henri Membertou, lequel assiste volontiers au service divin, & porte toujours le signe de la Croix au devant de sa poitrine. Mémene se sentant assez capable de former des prieres convenables à Dieu, il prioit le Pasteur de se souvenir de lui, & de tous ses freres Sauvages baptizés. Depuis le dernier bapteme duquel nous avons fait mention, il y en a eu plusieurs autres du 14. & 16. d'Aoust, 8. & 9. d'Octobre 1. de Decembre 1610. Et en somme ledit Pasteur fait estat d'en auoir baptizé sept vingts envnan, ausquels ont estéimposez les noms de plusieurs personnes signalées de pardeca, selon l'affection de ceux qui faisoient l'office de parins, ou marines, lesquels ont baillé des filleuls à ceux & celles qui enfuiue nr.

#### ET PREMIEREMENT,

Monsieur le Prince de Condé.
Monsieur le Prince de Conty.
M. le Comte de Soislons.
M. le Duc de Neuers.
M. le Duc de Guise.
M. le Prince de Ioinuille.

M. le Prince de Tingry.
M. de Prassin.
M. Roger Baron de
Chaource fils d udit sieur
de Prassin.
M. de Grieu Conscillet au

Parlement de Paris.

M. Seruin Aduocat general du Roy audit Parlement.

M. de la Guesse Procureur general du Roy audit Parlement.

M. le Comte de Tonnerre.

Messire Iessé de Fleuchey, Patriarche de Canada.

M. Belot, dit de Monfort. M. de Iouy.

M. Bertrand natif de Sefane, presens & assistans ausdits baptesmes.

M. de Villars Archenefque de Vienne en Daulphiné.

M. Descars Euesque & Duc de Langres.

M. de Gondy Euefque de Paris.

M. Dormy Euesque de Boulongne.

M. de Braslay Euesque de Troyes.

M. l'Abbé de saincte Geneuiefue fils de M. de Beauuais Nangis.

M. Abbé de Cleruaux.

M. de Vausemain Baron de Chapleine, Bailly de Troyes.

Frere Claude de Vauuillier Penitencier de Molesme.

M. Bareton Chanoine grand Archidiacre & Official de Troyes.

M. Douynet, Chanoine & Promoteur audit Troyes.

M. Megard, Chanoine & Thresorier de sainct Vrbain audit Troyes.

M. Megard Licentié és Droicts, Chanoine en l'Eglise sainct Estienne audit Troyes.

M. Fombert Chanoine en l'Eglise de Vienne.

M. Guillier Chanoine audit Viennes.

M. Bourguignon curé de fainct Éftienne au mont 2 Paris.

M. Dauiau Vicaire & receucur audit S. Estienne. M. Rouure curé de Lan-

M. de Matquemont auditeur de Rothes à Rome. M. de Sauarre Conseiller

au Parlement de Paris, M. Vigor Conseiller au grand Conseil.

M. de sainct suft.

M. de Lantage-baratier, fieur dudit Lantage. M. Edme baratier son fils.

M. de Lantage Motleliart M. de Sainct Simon.

M. de la Berge.

M. Auguste du Boullot, sieur de l'Estain.

M. Regnard Secretaire de la Chambre du Roy, & de Monsieur le Procureur general.

Monf. Symony Sieur de Rouelle Aduocat à Langres. 25

M. Fombert Procureur en Parlement.

M. Dauant President & Lieutenant general à Troyes.

M. de Bobus Lieutenant Criminel audit Troyes.

M. Bazin Procureur du Roy audit lieu.

M. Parmentier Lieutenant de robbe courte audit

Troyes.

M. Iacquinet maistre des eaux & forests audit Troyes.

M. Megard Lieutenant des Chirurgies audit Troyes. M. Martin Lieutenant ge-

neral au Marquisat d'Isse. M. l'Euesque Procureur

audit lieu.

M. Iamin Greffier audit lieu.

M. de la Rue Vicaire de Virey soubs Bar.

M. Belot thresorier extraordinaire des guerres en Guienne.

M. Belot Commissaire des guerres.

M. Belot fieur du Pontor.

M. Belot Procureur au grand Conseil.

M. Hardy Receueur des tailles au Mans.

M. Marteau Secretaire du fieur Preuost Morel.

M. Baiouë Greffier au bailliage de Monfort

Lamaury.

M. de Cresse Commis de Monsieur Estienne Controleur des bastimens du Roy.

M. du Val Iuge & Garde de la Iustice de Lantage.

M. de la Creuse Secretaire de Monsseur de Chastille.

Iean, Mathieu & Gregoire de Fleuchey freres dudit Patriarche.

Pierre Roussel son beau frere.

Ferry Roussel fils de Gabriel Roussel dudit Lantage.

Robert Roy, Serget Royal Forestier de la forest de Romilly.

Claude Iouguelat.

# Quand aux femmes on a donné des filleules à celles qui ensuivent.

Madame la Princesse de Condé
Madame la Princesse de Conty.
Mad.la Comtesse de Sois-

fons. Mad. la Duchesse de Neuers. Mad. de Guise. Mad, de Longueuille.

21

Mad. de Praslain mere du Sieur de Praslain.

Mad. de Prassain.

Mefdamoifelles Catherine, Blanche & Claude filles dudit fieur de Praflain.

Mad.la Comtesse de Tonnerre.

Mad. Anne de la Val Dame de Ricey.

Mad. Françoise de Faulch femme du sieur Delantage Baratier.

Mad, Charlotte leur fille.

Mad de Grieu.

Mad. de la Berge. Mad. de Sauare.

Mad. Anne Arlestain femme du sieur de l'Estain.

Mesd. Philippes & Charlotte de Arlestain ses sœurs. Madam. Regnard femme dudit fieur Regnard. Mad. Belot Treforier.

Madame Simony vefue de Monfieur Simony Procureur en Parlemer. Mad. de Beaulieu.

Mad. Marguerite Simony. Mad. Hardy.

Mad. Belot femme de моfieur Belot Procureur. Mad. Bajouë.

Mad. Ieanne des Marets femme du sieur Megard Chirurgien à Troyes,

Barbe Ramin mere dudit. Patriarche.

Barbe deFleuchey sa sœur. Icanne, Clemence Roussel & Valentine Drouin semes desdits Fleuchey freres dudit Patriarche.

Voila ce que i'ay extrait d'un ordre confus des parins & marines, lesquels i'ay voulu couchet icy pour les inuiter a faire du bien à ceux qui ont eté baptizez soubs leurs noms, dont ie veux bien esperer même de ceux de basse condition. Que si la conversion de ces peuples ne va par milliers, il faut considerer l'estat du païs qui n'est si frequent en hommes que noz villages de France. On pourroit faire plus grande moisson qui voudroit passer plus outre: mais il faut vouloir ce que l'on peut, & prie Dieu qu'il vueille faire le reste, puisque les hommes ont cette entreprise tât à mépris.

Exercices.

#### EXERCICES.

A pieté du sieur de Pourrincourt veut que le premier exercice de la journée en ce païs là soit de prier Dieu, à l'imitation d'Abel, lequel (ce dit Philon) offrit au matin son sacrisice. Ce que ne sit Cain. Et les sages remarquent par la comparaison de Iacob qui receut la premiere benediction d'Isac, laquelle sut plus sorte que celle qui sut donnée à Esau: que ceux qui prient du matin, receuans la premiere benediction de Dieu, ont aussi plus grande part en ses graces. C'est pourquoy vn illustre personnage de nôtre temps entre ses preceptes moraux & sentences vrayement dorces, a écrit:

Avec le jour commence ta journee De l'Eternel le sainst nom benissant : Le soir aussi ton labeur finissant, Louë-le encor, oppasse ainsi l'annee.

C'est ainsi que le dit Sieur en a fair, ayant exprés mené à ses dépens le sus le ratiarche, le quel ie voy par les memoires que l'ay ne s'estre iamais épargné à ce qui estoit de sa charge s'estant transporté quelquesois quatre, quelquesois douze lieuës loin pour baptizer des enfans de Sauvages, au mandement qu'ilz luy en faisoient, disans qu'ils vouloient estre comme Membertou, c'est à dire Chrétiens. Quelquesois aussi il a conduit sa troupe en processi sur si aussi aussi au Nort de leur habitation, sur laquelle y a va roc quarré de toutes

parts, de la hauteur d'une table, couvert d'vne mousse épesse où ie me suis quelquesois couché plaisammet: i'ay appellé ce lieu le mont de la Roque au pourtraict que i'ay fait du Port Royal en mon Histoire, en faveur d'un mien amy nomé de la Roque Prevost de Vimeu en Picardie, qui desiroit prendre là vne terre, &

y enuoyer des hommes.

Lesecond exercice c'est de pourvoiraux necessitez de la vie, à quoy il employa ses gens
chacun selon sa vacatió, estant arriué à la terre,
qui au labourage, qui aux batimens, qui à la
forge, qui à faire des ais, &c. Le Patriarche sufdits empara de mon étude, & de mes parterres
& jardinages, où il dit auoir trouvé arrivant là,
quantité de raves, naveaux, carottes, panais,
pois, séves, & toutes sortes d'herbes jardinieres
bonnes & platureuses. A quoy s'estant occupé,
il y a laissé à son retour (qui sut le 17. de Juin
dernier) yn bean champ de blé à beaux épics,
& bien sleuri.

Plusieurs autres se sont occupés à la terre, comme cstant le premier métier & le plus ne-cessaire à la vie de l'homme. Ils en ont (comme ie croy) maintenant récuilli les fructs, hors-mis des arbres fruitiers qu'ils ont plantés, lesquels

ne sont si prompts à cela.

Quantaux Sauvages ils ne squent que c'est du labourage, & ne s'y peuvent addonner, coutageux seulement & penibles à la chasse, & à la pécherie. Toutef is les Armouchiquois & aurres plus essoignés plantent du blé & des fevés, mais ils laissent faire cela aux semmes.

Nos gens outre le labourage & iardinage, avoient l'exercice de la chasse, de la pécherie, & de leurs fortifications. Ils ne manquerent aussi d'exercice à remettre & couvrir les batimens & le moulin delaissez depuis nôtre retour en l'an 1607. Et d'autant que la fonteine estoit vn peu eloignée du Fort, ils firent vn pui dans icelui Fort, de l'eau duquel ils se sont fort bien trouvez. De sorte que (chose emerueillable)ils n'ont eu aucunes maladies, quoy qu'il y ait eu beaucoup de sujet d'en avoir par la necessité qu'ils ont soufferte. Car le Sieur de Sain& Iust fils dudir Sieur de Poutrincourt ayant eu mandement de retourner dans quatre mois (comme nous avons dit ci-deffus) on l'attendoit dans la fin de Nouembre pour avoir du rafraichissement, & toutesfois il n'arriva queleiour de Pentecoste, qui futle 22. de May ensuivant Cela sut cause qu'il fallut retrencher les vivres qu'ils avoient en assez petite quantité. De manger toujours du poisson (s'il n'est bó &ferme)ou des coquillages seuls sans pain, cela est dangereux, & cause la dysenterie, come nous av os rapporté ci-dessus de quelques Sauuages qui en sont morts, & pouvons en avoir autre témoignage par les gens du Sieur de Monts, qui moururent en nombre de vingt la premiere année qu'ils hivernerent à Kebec, tat' pour la nouveauté de la demeure, que pour avoir trop mangé d'anguilles & autres poissos. La chasse aussi ne se trouve pas à foison en vn lieu où il faut viure de cela, & où l'on fait vne demeure arrestée, C'est ce qui rend les

D. ij

Sauvages vagabons, & fait qu'ilz ne peuvent vivre en vne place. Quand ils ont esté six semaines en vn lieu il faut changer de demeure. Ilz prindrent auterroir du Port Royal six Grignaces ou Ellans, cet hiver, dont ils en apportoient vn quartier ou moitié aux notres. Mais celane va gueres loin à tant de gens. Le iour de Pasques fleuries le fils ainé de Membertou dit Louis, en poursuivoit vn, qui s'estant venu rendre au Port Royal passoit l'eau, quand la femme dudit Louis vint faire vne alarme en criant plusieurs fois, Ech'pada, Ech'pada, c'est à dire, Aux épées, Aux épées. On pensoit que ce fussent quelques ennemis, mais il fut le bien venu. Le Sieur de Poutrincourt se mit dans vne chaloupe pour aller au devant, & avec vn dogue il le fit tourner en arriere d'où il venoit. Il y avoit du plaisir à le cotoyer si proche de sa ruine. Si-tost qu'il approcha de terre, ledit Louis le transperça d'une fleche, le Sieur de Iouy luy tira vne arquebusade à la tête, mais Astaudinech' dit Paul fils puisné de Membertou lui coupa dextrement vne veine au col, qui l'atterra du tout. Ceci donna vne curée & consolation stomachale aux notres. Mais cela ne dura pas toujours. Il fallut revenir à l'ordinaire. Et faut penser qu'en ce retranchement de vivres dont nous avons parlé il y eut de grandes affaires pour le chef, car des mutineries & conspirations survindrent, & d'vn costé le cuisinier déroboit vne partie de la portion des autres, & tel crioit à la faim, qui avoit abondance de pain & de chair dans sa

cellule, ainsi que s'est veu par experience. Ceux qui portoient le blé au moulin, de quinze boisseaux n'en rendoient que douze de farine au lieu de dix-hui & Et de la necessité d'autrui ils troquoient avarement des Castors auec les Sauvages. Neantmoins (par trop de bonté) tant de fautes leur furent pardonnées apres visitation faite. Pauvres sots qui sont des conseils si legers, & ne voyent point ce qu'ils devient dront par apres, & que leur vie ne peut estre asseurée que par vn perpetuel exil de leur patrie, & de tout ce qu'ils ont de plus cher au monde.

En cette disette on eut avis de quelques racines que les Sauvages mangent au besoin, lesquelles sont bonnes comme Trusses. Cela sut cause que quelques paresseux se mirétavecles diligens à souiller la terre, & firent si bien par leurs iournées qu'ils en desricherent environ quatre arpens, là où on a semé des segles & legumes. C'est ainsi que Dieu sçait tirer du mal vn bien; il chastie les siens, & neantmoins les soutient de sa main.

Quand l'hiver fut passé, & que la douceur du temps allecha le poisson à rechercher les eaux douces, on dépecha des gens le 14. Avril pour fairela quéte de cela. Il y a nombre infini de ruisseaux au Port Royal, entre les quels sont trois ou quatre où vient à foison le poisson au renouveau. L'vn apporte l'Eplan en Avril en quantité infinie. L'autre le Haren, l'autre l'Eturgeon & Saumó, & c. Ainsi furent lors deputez quelques vns pour aller voir à la riviere qui

D iii

est au profond du Port Royal, si l'Eplan estoit venu. Ils y allerent, & leur fit Membertou (qui estoit cabanné là)bonne chere, de chair & de poisson. Delà ils allerent au ruisseau nommé Liesse par le Sieur des Noyers Advocat en Parlement, là où ils trouverent tant de poisson, qu'il fallut envoyer querir du sel pour en fire bonne provision Ce poisson est fort savoureux & delicat, & ne fait point demal comme pourroient faire les coquillages: & vient enuiron l'espace de six semaines en ce ruisseau : lequel temps passé il y a vn autre-ruisseau audit Port Royal, où vient le Haren, item vn autre où vient la Sardine en même abondance. Mais quant à la riviere dudit Port, qui est la riviere de l'Equille, depuis nommée la riviere du Dauphin, au temps susdit elle fournit d'Eturgeons & Saumons à qui veut prendre la peine d'en faire la chasse. Quand le Haren fut venu, les Sauvages (selon leur bon naturel) firent des feuz & fumees en leur quartier, pour en doner avisà noz François. Ce qui ne fut negligé. Et est cette chasse beaucoup plus certaine que celle des bois.

<u>૱૱ૣૺ૱૱ૣ૱૱૱૱૱૱૱૱૱૱૱૱૱૱૱૱૱૱૱૱૱૱૱૱૱ૡૡ</u>

## RETOVR EN LA NOVVELLE. France.

L estoit le 10. de May quand la derniere cuisson du pain faite, on tint conseil de retourner en France, si das le mois n'arrivoit secours. Ce qui sut prest d'estre executé. Mais le iour de la Pentecoste Dieu envoya son esprit consolateur à cette compagnie ja languissante, qui lui suruint bien à propos, par l'arrivee du Sieur de Sainct luft, duquel il nous faut dire quelque chose: car ci-devant nous l'avons laissé au port de Dieppe, sans avoir veu ce qu'il a fait depuis. S'estant presenté à la Royne; elle fut merveilleusement rejouie d'entendre la conversion de plusieurs Sauvages qui avoient esté baptizés avant le depart du dit lieur de Sainct luit, dont ie fis vn recit public que ie presentavà sa Majesté. La dessus les lesuites se presetet pour allerau secours. La Royne le trouve bon. Elle les recomande. l'eusse desiré qu'avant partir quelqu'vn eust remontré à sa Majesté chose qu'elle n'eust fait que trop volontiers : C'est d'envoyer quelque present de vivres & d'habits à ces Neophytes & nouveaux Chrétiens qui portet les noms du feu Roy, de la Royne Regente, & de Messeigneurs & Dames les enfans de France. Mais chacun regarde à son profit particulier. Ledit fieur de Sainct Iuft apres son rapport fait, prerendoit obtenir quelques defenses pour le comerce des Castors, cuidant que la cosideration de la religion lui pourroit faire aisément accorder cela. Ce qu'il ne peut toutefois obtenir. Et voyant que cette affiire tiroit en longueur, & qu'il falloit aller secourir son pere, ayant mandement de faire en sorte d'estre de retour dans quatre mois, il print cogé de la Royne, laquelle luy bailla de compagnie deux Tesuites pour la conversion des peuples Sauvages de delà. Mais puis que le sieur de Poutrincourt avoit pris va

homme capabled son partement, il me semble que ceux-ci (qui peuvent estre plus vtiles pardeça) se hasteret trop pour le profit dudit Sieur: Carle retardement écheu à leur occasion lui 2 prejudicié de beaucoup, & causé la rupture de son allociation. Et faut en telles affaires fonder la Republique premierement, sans la quelle l'Eglise ne peut estre, ainsi que i'ay des-ja écrit cidessus. l'en avoy dit mon avis audit sieur de Sainct Iuft, & qu'il falloit asseurer la vie avant toutes choses, faire vne cuillette de bledz. avoir des bestiaux, & des volatiles domestics, devant que pouvoir assembler ces peuples. Or ceste precipitation pensa, outre la perte susdite, reduirela troupe qui estoit pardela à vne miserable necessité, n'y ayant plus que la cuisson de pain ja faite & distribuée.

Ledit Sieur de Poutrincourt s'estoit associé de deux marchans de Dieppe, lesquels voyans les susdits Iesuites, sçavoir le Pere Biar homme fort sçavant Gascon de nation duquel Monsieur le premier President de Bordeaux m'a fait bon recit; & le Pere Nemon prest à s'embarquer, s'opposerent à cela, & ne voulurent permettre qu'ils fussent duvoyage, disant qu'ils nourriroient volontiers toute autre sorte d'hommes, Capucins, Minimes, Cordeliers, Recollets, &c. mais quant à ceux-ci qu'ils n'en vonloient point, & ne pouvoient tenir leur bien asseuré en leur compagnie. Que si la Royne vouloit qu'ils y allassent, on leur rendist leur argent, & qu'ils fissent ce que bon leur sembleroit. Là dessus voila vn retardemet. Ilfaut

33

Il faut écrire en Cour, remontrer à sa Majesté l'occasion de cela, demander de l'argent pour rembourser lesdits Marchans, faire des allées & venuës: cependant la saison se passe. La Royne leur ordonna deux mille escus, outre lesquels ils firent des collectes par les maisons des Princes, Seigneurs, & personnes devotes, d'où ilz tirent aussi de bon argent. Brefilz remboursent lesditz Marchas de chacu deux milles livres, & se mettent en fin à la voile le 26. de Ianvier 1611. Le temps estoit difficile, la plus rude saison de l'hiver. Ils furent quelque temps en mer pensans combattre le vent, mais ils furent contraints de relacher en Angleterre, là où ils furent iusques au 16. de Février. Et le 19. Avril ils furent sur le grand Banc des Moruës, où il trouverent des Navires de Dieppe & de Sain& Malo. Et le 29. estans entre ledit Banc & l'ile de Sable, ils cinglerent l'espace de douze lieues parmi des glaces hautes comme montagnes, sur lesquelles ils descendirent pour faire de l'eau douce avec icelles, laquelle se trouva bonne. Au sortir desdites glaces, fut rencontré yn Navire du Sieur de Monts, auquel commandoit le Capitaine Champlein, duquel nous attendons le retour, pour entendre quelque nouvelle découverte. Depuis les dites glaces, ils en rencontrerent d'autres continuellemét l'espace de cinquante lieuës, lesquelles ils eurent beaucoup de peines à doubler. Et le cinquiéme de May, ils découvrirent la terre & port de Campleau, duquel on peut voir l'assiette dant la grande Table geographique de mó Histoire.

E

Là ledit Pere Biar chanta la Messe. Et depuis ils allerent cotoyans la terre, en sorte que le 21. de May ils mouilleret l'ancre à l'entrée du passage

du Port Royal.

<u>୫୭.୭.୮୭</u>୬ ଅ<u>ନ୍ତ୍ର ମଧ୍ୟ ମଧ୍ୟ ମଧ୍ୟ ମଧ୍ୟ ମଧ୍ୟ ମଧ୍ୟ ମଧ୍ୟ ଅଧ୍ୟ ଅଧାର ଅଧାର ଅଧାର ଅଧାର ଅଧାର ଅଧାର କ</u>

Le sieur de Poutrincourt avoit cedit iour fait assembler ses gens pour prier Dieu, &c se preparer à la celebration de la féte de Pentecôte. Et comme chacun s'estoit rangé à son devoir, voici environ trois heures apres le coucher vne canonade, & vne trompette, qui réveille les dormans. On envoye au devant. On trouve que ce sont amis. Là dessus allegresse & rejouissance, & actions de graces à Dieu en procession sur la montagne que i'ay mention. né ci-dessus. La premiere demande que sit ledit Sieur à son fils, ce fut de la fanté du Roy. Il luy fit réponse qu'il estoit mort. Et interrogé de quelle mort, il lui en fit le recit selo qu'il l'avoit entendu en France. Là dessus chacun se print à pleurer, même les Sauvages apres avoir entendu ce desastre, dont ils ont fait le dueil fort long temps, ainsi qu'ils eussent fait d'yn de leurs plus grands Sagamos.

A peine fut arriué le dit fieur de Sain et Iuft, que les Sauvages Etechemins (qui ayment le fieur de Poutrincourt) lui vindrent annoncer qu'il y avoit en leurs côtes trois Navires, tant Maloins que Rochelois, lesquels se vantoient de le devorer ainsi que feroit le Gougou vn pauvre Sauvage. Ce qu'entendu par le dit sieur de Poutrincourt, il n'eut la patience de faire descharger le vaisseau nouvellemét arrivé, ains à l'instant même alla ancrer au-devant des

35

dits trois Navires, & fit venir tous les Capitail nes parler à lui, qui preterent obeissance, & leur fit ledit sieur reconoitre l'authorité de son fils, comme Vic'Admiral esdictes terres du Ponant. Vn Navire Maloin voulant faire quelque rebellion, fut prins, mais ledit sieur selon sa debonnaireté accoustumée, le relacha, apres lui avoir remontré de ne plus venir en mer sans sa Charte partie. Là le pere Birat dit la Messe, & fit ce qu'il peut pour ranger vn chacun à ce qui estoit du devoir. Et particulierement il fit reconoître la faute à vn leune home qui avoit passél'hiver parmi les hommes & les femmes Sauvages, lequel demanda pardon à qui il appartenoit, & receut la Communion de sa main. Cela fait chacun revint au Port Royal en grade rejouissance.

Le retardement susdit est cause que lesditz navires & autres estas arrivés devantledir fieur de Sa. Iuft, ils ont enlevé tout ce qui estoit de bon au païs pour le commerce des Castors & autres pelleteries, lesquelles fussent venuës és marins du Sieur de Poutrincourt si son fils fust retourné par-dela au temps qui lui avoit esté enioint. Et davantage on en eust sauvé pour plus de six mille escus que les Sauvages ont mangées durant l'hiver, lesquelles ilz fussent venus troquer audit Port Royal s'il y cust cu les choses qui leur sont necessaires. Vne faure aussi fut comise avant le partement de Dieppe par l'infidelité du Contre-maistre de navire; lequel ayant charge d'entuner (c'est à dire mettre dedans) le blé, le détournoit à son profit. Ce qui ayda à la disette que noz François ont par-dela soufferte. Et neantmoins Dieu les a tellement sustentés, qu'il n'y a eu aucun malade: voire ceux qui en sont de retour se plaisent à cela, & n'y en a pas vn qui ne soit en volonté d'y retourner.

## EFFECTS DE LA GRACE de Dieu en la Nouvelle-France.

Novs pouvons mettre ce que ie viens de dire entre les effects de la grace de Dieu: comme aussi les racines qu'il leur envoya au besoin, dont nous avons parlé, & surce l'exercice des paresseux qui ne s'estoient voulu occuper à la terre, lesquels sans y penser en cultiverent yn beau champ en cherchant desdites racines. Mais particulierement encore l'exemption de maladies, qui est vn miracle tres-evident. Car és voyages precedens il ne s'en est iamais passévn seul sans mortalité, quoy qu'on fust bien'à l'aise. Et en cetui-ci non seulement les sains ont esté preseruez, mais aussi ceux qui estoient affligez de maladie en France ont la receu guarison. Telmoin vn honéte personnage nommé Bertrand, lequel à Paris estoit journellement tourmenté de la goutte, de laquelle il a esté totalement exempt pardela. Mais depuis qu'il est de retour, le même mal est retourné avec plus d'effects de douleurs qu'auparauant, quoy qu'il se garde sans aucun exercice.

Mais qui ne recognoistra vne speciale grace de Dieu en la persone dudit Sieur de Poutrincourt & ses gens, lors qu'il sut porté par vn vent de terre à la haute mer en danger d'aller voir la Floride, ou d'estre accablé des ondes, au retour de la conduite de son fils, ainsi que nous

avons rapporté ci-dessus.

l'appelle aussi miracle de voir que les pauvres peuples de delà ont conceu telle opinion de la Religion Chrétienne, que si-tost qu'ilz sont malades ilz demadent estre baptizez, voire encore qu'ilz soient sains, ils y vont avec vne grande Foy, & disent qu'ilz veulent estre semblables à nous recognoissans sort bienleur desaut en cela. Membertou grand Sagamos exhorte vn chacu des Sauvages à se faire Chretiens. Et tesmoignet tous que depuis qu'ils ont receule baptéme ils ne craignent plus rien, ilz vont hardiment de nuict, le diable ne les tourmente plus.

Quandle Sieur de Sain & Iust arriva à Campseau, les Sauvages non baptizez s'ensuioient de peur. Mais les baptizés en nombre d'environ cinquante s'approcherent hardiment disans, Nous sommes tes freres Chretiens comme toy, & tu nous aymes. C'est pourquoy nous ne suyons point; & n'avons point de peur: Et porterent ledit Sieur sur leurs bras &

épaules jusques en leurs cabannes.

Sur la fin du Printemps les enfans de Membertou estans allés à la chasse, en laquelle ilz sirent long seiour, avint que ledit Membertou fut pressé de necessité de vivres, & en cette disette il se souvent de ce qu'il avoit autresois oui dire à noz gés que Dieu qui nourrit les oiseaux du ciel, & les bétes de la terre, ne delaisse iamais ceux qui ont esperance en lui, selon la parolle de nôtre Sauveur.

En cette necessité donc il se met à prier Dieu, ayant enuoyé sa sille voir au ruisseau du moulin s'il y auroit point apparence de pouuoir faire pecherie. Il n'eust esté gueres long temps en prieres que voici sadire sille arriver criant à haute voix, Nouchich', Beggin pech'kmok, Beggin ëta pech'kmok : c'est à dire: Pere, le haren est venu; le haren certes est venu. Et vit par esfect le soin que Dieu a des siens, à son contentement. Ce qu'il avoit vne autresois eprouvé, ayant'eu (ou les siens) à tel besoin la rencontre d'un Ellan, & encore vne autresois vne Baleine échouée.

Qui voudra nier que ce ne soit vn special soin de la providence de Dieu envers les siens, quand il enuoya au Sieur de Poutrincourt le secours desiré le iour de la Pentecoste derniere, duquel nous avous fait mention cy-dessus?

Ie ne veux rememorer ce que l'ay écrit en mon Histoire de la Nouvelle-France, livre 4. chap. 4. de la merveille avenue au premier voyage du Sieur de Monts en la personne de Maitre Nicolas Aubri Prestre d'vne bonne famille de Paris, lequel sut seze iours perdu dans les bois, & au bout dudit temps trouvé fort extenué, à la verité, mais encore viuant, & vit encore à present, aymant singulierement les entreprises qui se sont pour ce pais là, où le de-

39

sit le porte plus qu'il ne fit iamais, comme aussi tous autres qui y ont fait voyage, lesquels l'ay préque tous veux desireux d'y hazarder leur fortune, si Dieu leur ouvroit le chemin pour y faire quelque chose. A quoyles grans ne veulent point entendre, & les petits n'ont les ailes assez fortes pour voler iusques là. Neantmoins c'est chose érrange & incroyable de la resolution tant dudit Sieur de Monts, que dudit Sieur de l'outrincourt, le premier desquels a toujours continué depuis dix ans d'envoyer par delà : & le second, nonobstant les difficultez que nous avons recitées ci-dessus, n'a laissé d'y r'envoyer nouuellement, attendant ici le renouveau, pour aller revoir les gens. Dieu doint à l'vn & à l'autre le moyen de faire chose qui reiisisse à la gloire de son nom, & au bien des pauvres peuples que nous appellons Sauvages.

ହାଇନ୍ୟାକ୍ୟରୀ ଜୀତ୍ୟ ବାର୍କ୍ୟ ବ୍ୟର୍ଥ ବ୍ୟର୍ଷ ବ୍ୟର୍ଥ ବ୍ୟର୍ଥ ବ୍ୟର୍ଥ ବ୍ୟର୍ଥ ବ୍ୟର୍ଥ ବ୍ୟର୍ଥ ବ୍ୟର୍ଥ ବ୍ୟର୍ଥ ବ୍ୟର୍ଥ ବ୍ୟର୍ଥ

## A DIEV SEVL HONNEVR

## Extrait du Privilege du Roy.


DAR grace & Priuilege du Roy,il est permis à Iean Millot Marchant Libraire en l'Université de Paris. d'imprimer, ou faire imprimer, vendre & distribuer par tout nostre Royaume tant de fois qu'il luy plaita, en telle forme ou charactere que bo luysemblera, vn liure intitulé Histoire de la Nouvelle-Brance contenant les nauigations faises par les François és Indes Occidentales, & terres neuves de la Nouvelle-France, Es les deconvertes par eux faites efdisz henx, Aquoy font adjoutées les Mujes de la Nonvelle France. Ensemble plusieurs Chartes en taille douce, où sont les figures des Provinces, & Ports, & autres choses servans à ladicte Histoire, composée par MARC LES-CARBOT Advocat en la Cour de Parlement. Et ce jusques au temps & terme de fix ans finis & accomplis, à copter du jour que ledit livre sera achevé d'imprimer. Pendant lequelteps defenses sont faictes à tous Imprimeurs. Libraires, & autres de quelque estat, qualité ou condition qu'ils soient, de non imprimer, vendre, contrefaire, ou alterer ledit liure, ou aucune partie d'iceluy, sur peine de cofiscation des exemplaires, & de quinze cens livres d'amende appliquable moitié à nous, & moitié aux pauvres de l'hostel Dieu de cette ville de Paris, & despens, dommages, & interests dudit exposant : Nonobstant toute clameur de Haro, Charte Normande, Privileges, lettres ou autres appellations & oppositios formees à ce contraires faictes ou a faire. Et veuten outre ledit Seigneur, qu'en mettant vn extraict dudit Privilege au comencement,ou à la fin dudit livre, il soit tenu pour deuëment fignifié, cóme plus amplement est declaré par les patentes de sa Majesté. Donné à Paris le 27. iour de Novembre, l'an de grace 1608. Et de nostre regne l'vnziéme.

Par le Roy en son Conseil.

Signé,

BRIGARD.





E612 L624 



